

## KANEN

EN INOUR

## DE SANT JULIAN



War dôn : Ann oabl, siouaz, a zo tenval.

1

Cheleuet ol ha cheleuet  
Ur ganen e zou nehué grêt  
En inour d'ur soudard merzer  
Dibennet aveid hé salver.

2

El oh soudardet de Zoué,  
Er brézel inemt er guir fé,  
Sant Julian, ni varvo kentoh  
Aveid nahein fé hon tud kôh. } Diskan

3

Sant Julian oé ag er Hreisté  
Er vrô zen hanüet Dauphiné,  
Er ger a vienn é bet ganet  
Ag e dud vras, e dud mêlet.

4

A vihanik karé Doué  
Hag el soudard hen servijé  
Pébeb kentel aveid ar ré  
Ou des de vonnet d'en armé !

5

En hé amzer savas trébill,  
Kouéhé kristénien el grésill  
Dré urh un impaler pagan,  
Hanüet get-hé dioclétian

6

E Brioud e oé hum gavet  
E ti un intanoues lojet,  
Pe gléhuas moueh en archerien  
E hober goulén ag hé ben.

7

Chetu mé, e laras dohtu,  
N'ur vont ged hast de greis er ru :  
« Eroualh, e m'éan e mes binet, »  
« A me Jésusz e mes sihet. »

8

Ne oé ket hé goms per-larët  
Hé ben e zou tri hanteret  
Ha distaget doh hé riskoé  
Kristenien, pebeh un druhé.

9

Deu zen kôh, hag hi dinerhet,  
Hé gorv n'ur bé ou des laket ;  
Hag en deu men idan hou zam  
Ou des hum gavet iaouank flam.

10

Hent-nan é er hétan burhud ;  
Kalz e ré-ral ou des grêt brud,  
El er fetan kerkent savet  
Leh oé bet hé ben diskaret.

11

Eleih e dud ou des kavet  
Ged deur anchi en ihet,  
Terhian-tri pé terhian-puar dé  
Ne harsent ket doh eu deurzé.

12

« Mar chom me den en hé vuhé »  
« Hou pou ur chapel ar hou pé, »  
Laré un itron é kléhnet  
E oé hé den d'er marv barnet.

13

En amzer me ré hè féden  
Ged fé mes ehué ged anken  
Ar hé den en or rigomé  
Aveid hel lakat de valé.

14

E kichen chapel Sant Julian  
E oé ehué un templ pagan,  
Bet savet de zeu falz-doué,  
Mars ha mercur rent anéhé.

15

Hemb pell dalé oent dilézet  
Hag er ster dostan eilpennet  
Dré ne rent ket trédé ou deu  
El hom sant patroum burhudeu.

16

E hawréat ur sul bennag  
Dourn ul labourer chomas stag  
Ha doh breh en arer péget  
Bet hum doé Sant Julian pédet.

17

Anagildus, mut bouar ha dal,  
Hemb nerh e-bet n'hé vempreu al,  
Ged Sant Julian zou paréet  
A p'en des éan ged fé klasket.

18

Soudarded e-pad ur brézel  
E ias de laërein hé chapel:  
Er gurun e vougas unon,  
Er brasan ag el laërion

19

Er ré-ral distroetit d'er ger  
E oé samet ged Lucifer.  
Marüet ou des révé kléhuet  
El me varv er ré possédet.

20

Ul laër al oeit barh en ilis  
N'hellas ket dont ar hé gis;  
Schueh e troein e chomas kousket,  
En dé ar-lerh e oé tapet.

21

Ur jas laëret dé kent ar gouel  
Ne res met troein dro d'er chapel;  
Kouskoude el laër e laré  
Krédé bout grèt tregont lé.

22

Un dé bennag el oé er gis  
Eleih e dud oé en ilis  
Pe des de gouehin er gurun  
Hemb me oé bet tapet nikun.

23

Lônet pen fol, tud en drouk-sant  
Ket trueüz dré hou damant  
Ar vé er sant ou des kavet  
Er louzaouen doh hou hleinhuet

24

Ur veh aral é bet skarhet  
En diaoul ag un den possédet  
A p'arrivas e Sant Julian  
Er relegeu dirak Satan.

25

Ha hui üel bermen er gelloud  
E Sant Julian, merzer Brioud?  
Doué n'en des man de reüs  
De neb el-thon e gar Jésusz.

**I : M : ER MERSER,**

*Person Mellionneh*

Imprimatur :

CHATTON, *Can. Tit.*